

禪承迦葉品第二十一(十一偈)

有諸比丘僧 終竟于七歲
時國穀米貴 飢餓大恐懼
我分得一人 摩竭妙道人
緣一覺之尊 清涼無有漏
彼時我興發 起意之為惡
我當持何用 施飼是比丘
時停置飯食 令生蟲臭惡
往觀諸作使 然後供養之
以是所作罪 壽終墮地獄
合會燒炙之 苦痛不可言
從地獄得出 世世所生處
作若干方便 求飯食難得
是為最後世 來還生人間
逮見等正覺 無上之導師

以信故出家 除害諸漏盡
已得無所著 清涼而滅度
仁者吾於是 神足常自在
求食設方便 若干不能得
遠行避道路 疲勞不可言
既乃得所僥 飯食諸供具
承迦葉尊 大通名所作
於阿耨達池 自說本所作